



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

52. Iuramentum consuetum & ab Abbate S. Maximini in actu inuestituræ  
Cæsari & Imperio præstari solitum.

**urn:nbn:de:hbz:466:1-14268**



fores Abbates, & ipse antehac habuissent, & tenuissent, habereque & tenere debuissent, concedere, ipsumque de iisdem infeudare & inuestire dignaremur, Nos itaque, recepto prius ab eodem Ottono Abbate, & nobis præstito fidelitatis, subiectionis, & obedientiæ Iuramento debito, & consueto Regis nomine & auctoritate supramemoratis, eidem Abbati Regalia, temporalia & feuda huiusmodi concessimus, ipsumque de iisdem infeudauimus & inuestiuimus, ac concedimus, & infeudamus, ac inuestimus per præsentem, decernentes eiusdem nomine & auctoritate quæ sæpèfatus Abbas in omnibus & singulis suis & Monasterij sui Oppidis, suburbijs, vicis, pagis, Caltris, Castellis, Curijs, Villis, Dominijs, territorijs & districtibus, etiam fluminibus & ripis, ac locis alijs (quæ ipse Abbas diuisim & communiter habet aut possidet, seu habere & possidere deberet) regalia, temporalia & feuda huiusmodi cum suis honoribus, præeminentijs, & attinentijs quibuscunque & qualibuscunque, mero quoque & mixto Imperijs ac exercitio Iurisdictionis temporalis habere & exercere, illisque vti valeat, quemadmodum sui Prædecessores Abbates habuerunt & exercuerunt, illisque vti sunt, seu habere, exercere & vti quomodolibet potuerunt. Mandantes propterea nomine & auctoritate sæpèdictis vniuersis & singulis Vassallis, & fidelibus Comitibus, Baronibus, militibus, nobilibus, equitibus, & ministerialibus, Gubernatoribus, Rectoribus, Burgrauijs, Schultetis, Maioribus, Præpositis, Iusticiarijs, Centurionibus, Advocatis, & Officialibus, Ciuibus, Oppidanis, Suburbanis, Colonis, Curtarijs ac subditis quibuscunque sæpèdicti Monasterij cuiuscunque dignitatis, gradus, status, seu conditionis existunt, quatenus præfato Ottoni Abbati, tanquam vero, naturali, recto, ordinario, & legitimo suo Domino in omnibus & singulis Regalia, temporalia & feuda huiusmodi, merum quoque & mixtum Imperium ac temporalis Iurisdictionis exercitium, seu alia præmissa quomodolibet concernentibus debitè & reuerenter obediant, & pareant in omnibus, contradictione, difficultate & impedimento planè postpositis, Iure tamen Imperii, & aliorum aliàs & Ecclesiæ nostræ semper saluo. In quorum omnium & singulorum fidem & testimonium præsentem nostras litteras exinde fieri, nostrique sigilli iussimus appensione communiri. Datas ex Castro nostro Palatioli Anno Domini Millesimo Quadringentesimo nonagesimo quinto, die vero Mercurij nona Mensis Decembris, in quorum & omnium & singulorum fidem & testimonium præsentem litteras sigillo meo Abbatiati impendenti communitas sæpèfato Reuerendissimo Domino meo & Ecclesiæ Treurensi tradidi. Datas loco, anno, mense & die iam præscriptis.

52.

*Iuramentum consuetum & ab Abbate S. Maximini in actu  
Inuestituræ Cesari & Imperio præstari solitum.*

**I**ch N. Abt zu S. Maximin globen vnd Schwern dem Hochwurdigsten / Hochgebornen Fürsten / meinem gnedigsten Herrn von Trier / in nahmen vnd von wegen vnd vß beuelch des allerdurchleuchtigsten grosmechtigsten Fürsten vnd Herrn / Herrn Maximilians / Römischen Königs meines allergnedigsten Herrn / daß ich syner Königlichen Mayestät vnd syner gnaden nachkommen Römischen Königen vnd Käysern / vnd dem Heyligen Reich / so lang ich leb / getreu vnd holt will syn / ihren Schaden warnen / Rath helen / vnd bestes werben / auch im Rath vnd that nimmer ge-

syn/



syn / das shren Mayesteten an shren Personen Ehren vnd Würden hinderlich mögte  
geschyn / vnd alles das thum / das myne Vorfahrendem Heiligen Nisch schuldig vnd plich-  
tig syn gewest / als mir Gott helfff vnd die Heiligen.

*Latine sic sonat.*

**E**GO N. Abbas Sancti Maximini promitto ac Iuro Reuerendissimo Illu-  
strissimo Principi, gratiosissimo meo Domino Treuirensi, nomine & ex  
parte, & ex mandato Serenissimi, potentissimi Principis ac Domini, Do-  
mini Maximiliani Romanorum Regis, Clementissimi mei Domini, quod Re-  
gia illius Maiestati, illiusque Clementiae Successoribus Romanorum Regibus  
& Imperatoribus, ac Sacro Imperio, quoad vixero, velim esse fidelis & addictus,  
praemonere eorum damna, celare consilia & commoda procurare, neque vn-  
quam consilio aut facto interesse, quod eorum Maiestatibus in suis personis,  
honoribus & dignitatibus, nocere possit, omniaque ea facere, quae mei Ante-  
cessores Sacro Imperio obstricti & obligati fuerunt. Sic me DEVS adiuuet &  
Sancti.

53

*Inuestitura Thomae Abbatis S. Maximini facta per Ar-  
chiepiscopum Treuirensē, nomine & mandato Caesaris  
& Imperij, Anno MDII.*

**T**HOMAS Abbas Monasterij Sancti Maximini, extra muros Ciuitatis  
Treuirensis, Ordinis S. Benedicti, vniuersis & singulis praesentibus & fu-  
turis notum facimus: Quod à Reuerendo in Christo Patre & Domino,  
Domino nostro Ioanne Archiepiscopo Treuirensi. Sacri Roman. Imperii per  
Galliam & Regnum Arelatense Archicancellario, ac Principe Electore Illu-  
strissimo, Regalia, temporalia & feuda quaecunque à dicto Sacro Imperio de-  
pendentia, nomine & autoritate Serenissimi Domini & inuictissimi Principis  
Domini nostri Maximiliani Romanorum Imperatoris semper Augusti, agno-  
uimus, recepimus, iurauimus, & caetera fecimus cum caeremoniis & solennitati-  
bus debitis & consuetis, vt in eiusdem Domini nostri Reuerendissimi litteris  
subinertis nobis desuper traditis, plenius continentur, vt et Antecessor nos-  
ter immediatus fecit, & nos, & Successores nostri Abbates Monasterii S. Maxi-  
mini à saepesato Reuerendissimo Domino nostro, eiusque Successoribus Ar-  
chiepiscopis et Ecclesiae Treuirensi, quoties iure, aut consuetudine opus fuerit,  
ea agnoscere, recipere, iurare, et caetera facere debebimus; omnibus, Morâ,  
contradictione et exceptione postpositis, Tenor verò iam memoratarum Re-  
uerendissimi Domini nostri Treuirensis. nobis desuper traditarum litterarum  
sequitur talis:

**I**OANNES DEI gratia sanctae Treuirensis Ecclesiae Archiepiscopus, Sa-  
cri Romani Imperii per Galliam et Regnum Arelatense Archicancellarius,  
ac Princeps Elector, ad futuram rei memoriam, Vniuersis & singulis pre-  
sentibus & futuris notum facimus; Quia Inuictissimus Princeps Romano-  
rum Rex semper Augustus Maximilianus Dominus noster nuper nobis & no-  
stris Successoribus, vt scilicet Treuitorum Archiepiscopi, pro tempore Abba-  
tis Monasterij Sancti Maximini extra muros Ciuitatis nostrae Treuirensis. Or-  
dinis Sancti Benedicti, Regalia, temporalia & feuda quaecunque sui Monasterii